

დღემაში

საქართველოში

უკვე ხუთი წელიწადია, რაც გოეთეს საერთაშორისო საზოგადოების საქართველოს განყოფილების (გსსგ) და თბილისის სახელმწიფო უნივერსიტეტის გოეთეს კაბინეტის თაოსნობით მარტის მეორე ნახევარში სისტემატიურად ტარდება გოეთეს დღეები. ამჯერადაც, 21 მარტს, მოწვეულ იქნა გოეთეს საზოგადოების სხდომა, რომელიც მიეძლვნა დიდი გერმანელი პოეტისა და მოაზროვნის /გარდაცვალების 180-ე წლისთავს. გსსგ-ს გამგეობას განზრახული პქონდა, ფართოდ აღენიშნა ეს მნიშვნელოვანი თარიღი, სახელდობრ, მოეწყო სამეცნიერო სესია, რომელშიც ქართველ გერმანისტებთან ერთად, მონაწილეობას მიიღებდნენ უცხოელი გოეთოლოგებიც, როგორც ეს წინა წლებში ხდებოდა, მაგრამ, გარკვეულ გარემოებათა გამო, ლიტერატურულ-მუსიკალური პროგრამით შემოვიდარგლეთ.

სხდომა შესავალი სიტუაცით გახსნა გსსგ პრეზიდენტმა, პროფესორმა დავით ლაშქარაძემ. მან თვალსაჩინოდ წარმოაჩინა ის დიდი მნიშვნელობა, რომელიც აქვს გოეთეს, მაღალპუმანურ იდეებს, იდეებს, რომლებიც აქტუალური არიან და დღევანდელობას ეხმაურებიან, — განსაკუთრებით, გოეთეს მოძღვრებას ახალი საზოგადოების შექმნის, ადამიანის ზნეობრივი განწმენდის აუცილებლობის შესახებ.

შესავალი სიტუაცის შემდეგ საქართველოს მოსწავლე ახალგაზრდობის ჩესპუბლიკური სასახლის ლიტერატურულმა წრემ პედაგოგ ქეთევან მებონიას ხელმძღვანელობით, გერმანულ ენაშე წარმოადგინა ნაწყვეტები გოეთეს „ფაუსტიდან“, ფრ. შილერის „დონ კარლოსიდან“. გარდა ამისა, წრის წევრებმა წაიკითხეს გოეთეს ლირიკის ნიმუშები.

მუსიკალურ განყოფილებაში თბილისის სახელმწიფო უნივერსიტეტის გერმანული, ფილოლოგიის კათედრის დოცენტმა, ფილოლოგიის მეცნიერებათა დოქტორმა მანანა პაიჭაძემ დამსწრეთ უჩვენა მოცარტის „ქადონური ფლეიტის“ ვიდეოჩანაწერი, რომელსაც დაურთო საკუთარი კომენტარები. უაღრესად საინტერესო ვიდეოფილმში აღბეჭდილი იყო „ქადონური ფლეიტის“ 1991 წლის დადგმა ჰალცბურგის ფესტივალზე. (დამდგმელი — ომანეს შააფი, სცენოგრაფი — როლფ გლიტენბერგი, დირიჟორი — სერ ჯორჯ სოლტი).

გოეთეს დღეების კულტურულმა პროგრამამ მოწონება დაიმსახურა. მისასალმებელია ის ფაქტი, რომ, უფროსი თაობის წარმომადგენელთა გარდა, ამ ლონისძიებას ხალისით ესწრებოდა და ამჯერადაც ესწრებოდა მოსწავლე და სტუდენტი ახალგაზრდობა.

ნათელა ხუციშვილი,

თსუ გერმანული ფილოლოგიის კათედრის ფესტივალი მარავლებელი, გსსგ პრეზიდენტის წევრი.